

宮門抄

三月二十一日 外務部 欽天監 侍衛處 值日無引 見 四川臬司和爾康額到京請 安 衍聖公因賜宴 謝 恩 值年旗委管理新舊營房 派出執事馮國 璋文瑛

譯電

▲路透電 倫敦西五月四號駐俄京之路透電訪員云日俄兩國議約大臣今日已將商約條款之草約暨兩國相讓之事交涉往來文件議妥不日當可畫押英國昨日會議之時印度代表員麥加里氏代亞士規斯氏辯論以免稅通商之議為然麥加里氏將印度之利益情形按現時之財政及出口貨進步之速陳說倘若他國照印度重稅辦法則危險及損失不堪問矣亞士規斯氏自云凡有損害免稅通商之事英政府必不應允若用他法以與商務政府必能相助如用較好之輪船添設殖民部商務委員將蘇彝士河稅則或減少或豁免並往來奧斯大利亞洲經由坎拿大等均可相助云

要聞

▲倫敦電 路透電報接聖彼得堡訪員報告云日俄兩國會議商約全權大臣現已將所議訂之約互相認可已各交外部核辦聞不日即日簽字

要聞

▲柏林電 德國東方銀行代表員葛德曼氏現在波斯京城與英俄兩國公使會議在波斯設立銀行之問題

要聞

▲又電 德國太晤士報與底巴斯報均極力贊成德首相普魯親王演說核減軍備問題

出使美國梁大臣須俟稅務就緒

啓程

本報前紀梁大臣敦彥有出使美國之說茲聞已於二十日奉到上諭派充駐美欽使現在仍接督會辦稅務事宜須俟稅務辦有端緒然後啓程前赴使任

岑尙書陛見垂詢軍事

川督岑雲帥由漢入觀前日降旨 改授郵傳部尙書聞此事全係瞿大軍機之力並聞尙書當第三次陛見時 皇太后垂詢昔年平定廣西情形并及現在東三省馬賊應如何勦撫

擬奏留梁士詒提調五路

唐中丞擬 京漢鐵路總局提調 梁士詒赴奉天襄辦要政茲聞 郵傳部 堂官以路事最為重要正資熟手豈能任其赴奉已議奏留先派為五路提調將來當因材器使界以督路之任

大理院與法部民政部交涉分權

法部與大理院 之交涉漸次理楚昨法部已將人犯七十餘名送交大理院審判聞將來 遇有案犯先由大理院裁判判定然後送回法部處治現大理院業經議定將從前 大理寺作為 地方裁判所其鑿儀衛舊址改為 高等裁判所至大理院與民政部交涉兩署須相輔而行擬將京城地方畫分十四區裁判所 所有地段分為中東西南北五區每區設裁判所二處大理院占其一民政部占其一中央一區係民政部不另設裁判所故區數祇有十四也

徐大臣調師範生隨辦東省學務

徐制軍世昌 以東三省學界尙未發達亟需整頓而責成尤重在師範因與 大學堂監督 李家駒君 商議擬調師範畢業生十餘員隨赴東省以期振興學務聞李京堂已允為 派選矣

議撥巨款建艦隊船塢

近日政府擬 籌集鉅款建造中國艦隊船塢聞已與各省督撫商議大省籌撥八十萬中省籌撥

六十萬小省籌撥三十萬

此款為分年認撥抑為常年照撥尙未明晰

北京新聞

●端王世爵擬令溥儀承襲○端郡王載漪因事奪爵查定例該王後嗣應襲貝子爵俸現宗人府禮親王等公同商議擬令不入八分溥儀承襲聞尙須開列世系請 旨辦理

本埠新聞

●提學司批○深澤縣附生張志勳稟請懇恩備文咨送京師學堂肄業一案批京師師法政學堂收考章程本司未准奉到應由該生徑稟請示可也所稱咨送之處礙難照准

官場行程紀

二十二日 探訪局總辦楊觀察以德 東邊道張觀察錫鑾 駐津俄提督倭高羅氏

天仙戲園左近司機人一時失慎致將年已八十二歲之孫姓 隻左手軋折當由奧華捕立將司機、扭局旋由奧官將被軋 之孫送醫院診治

●投河遇救○有某客由新鄉雇王某船裝運吉豆白黑豆四 百餘石於日前行至天津趙家場忽遭覆沒彼時船戶之母某 氏投河尋死幸經河巡富順將該氏救起再三勸解並向該糧 客借錢若干始得雇工打撈失物

●派警彈壓○現屆商業勸工開會士商雲集熱鬧異常且值 皇會之期各廠加派長警彈壓地面皆一律更換黃色新操衣 軍帽靴均極整齊

●漏捐被獲○昨有東客三人攜帶陝西煙土若干行至海大 道白塘口地方經巡役查出當將三人及煙土一併送局罰辦

●因地涉訟○沈莊民人楊瑞華於二十二日早赴地方審判 廳指告隣人劉發侵佔滴水地基照章購買印花籍呈投遞

●移送違警○俄界某錢店與蘆姓棧房因事起糾互毆打 經俄捕扭局照章移送兩段昨經集訊以兩造均非善類各押 二天聽候覆訊懲辦

●相驗二則○縣署管押之李胡氏因病身死又南門外小藥 王廟前倒斃無名男子均經審判廳豫審官分別前往相驗

●殉情輕生○聞路某者在南市范姓娼寮與妓雙喜情投意 愜貪戀難捨竟於昨夜同吞阿芙蓉膏願作地下鴛鴦當經鴛 母龜奴竭力灌救該妓復甦路已不救矣

●夫也不良○聞有蘇尹氏者因伊夫蘇某逼令為娼屢被打 罵等情昨已據情赴審判廳控告

●請領津貼○正定鎮派員來津赴長蘆運署請領春季津貼 銀兩

●無辜廢命○有魚客王姓乘坐李得勝之輪船赴海口購魚 行至羊碼頭地方適有輪船一艘駛過被浪衝落水旋入船 底為船輪絞斃該船戶已赴審判廳控告矣

●遞解人犯○昨由監內提出范姓等三犯係經高等審判廳 提訊發回南皮之案已由官車局備車遞解

●請修河隄○宜興埠村正溫長綸君昨赴督轅請將僅兒港 西隄一併大修加寬培厚富經道憲札飭河防廳查覆核辦

●請委會勘界房○奧署以被拆房間各戶動以地多價少為 詞赴署爭執因請關道派委會勘以杜口實

●預備田廬○五官莊河左岸雖經培修仍形單薄深恐伏秋 大汛或有潰決之虞刻經該處村民共擬集資加高培厚藉以 保衛田廬聞已稟官立案矣

●差傳租戶○昨由縣差將租賃官地之寶信山趙姓之李某 等傳令赴署聽候面諭

●查罰污穢○奧捕官逐戶親查因張雲升等戶院中異常污 穢於昨早傳署罰洋十元

●遞解逃兵○昨由武請縣差役押解某營逃兵王景岳等二 名暫寄天津縣於次早起解

●車站紀事○瑞生祥銀號現銀九千兩於二十二日由津裝火 車運往北京

●官場行程紀

二十二日 探訪局總辦楊觀察以德 東邊道張觀察錫鑾 駐津俄提督倭高羅氏

由京來津 由京來津 由京來津